

Cyngor Cymuned Llanystumdwy

Rhaglen waith y Cyngor - nos Fawrth, 5 Mai 2026 yn brydlon am 7:00 yr hwyr yn Ffestri Pencaenewydd, a drwy Zoom.

Cyfarfod Blynyddol (i gychwyn 7.00 y.h. am yr 20 munud cyntaf)

1. Croeso gan y Cadeirydd ac ymddiheuriadau.
2. Cyflwyno a chadarnhau cofnodion cyfarfod blynyddol 1af o Fai, 2025.
3. Materion yn codi o'r cofnodion.
4. Adroddiad ar waith y flwyddyn rhwng 1af o Ebrill, 2025 i'r 31ain o Fawrth, 2026 gan y Cadeirydd.
5. Adroddiad Ariannol am y flwyddyn 1af o Ebrill, 2025 i'r 31ain o Fawrth, 2026 gan y Clerc a'r Swyddog Ariannol Cyfrifol. Derbyn y cyfrifon am y flwyddyn yn diweddu 31.03.2026.
6. Cyfle i'r trethdalwyr ofyn cwestiynau.
7. Ethol swyddogion am y flwyddyn hyd at 30ain o Ebrill, 2027:
 - a) **Cadeirydd** (bydd angen trefnu i lofnodi datgan derbyn swydd).
 - b) **Is gadeirydd** (bydd angen trefnu i lofnodi datgan derbyn swydd).
 - c) **Clerc a Swyddog Ariannol Cyfrifol** - aros yr un fath/dim newid.
 - ch) **Elusen William Ellis**, Llanystumdwy - Cynghorwyr Ward Llanystumdwy i gyd.
8. Cadarnhau a oes angen newid unrhyw aelodaeth o bwyllgorau'r Cyngor.
9. Dewis cynrychiolydd i:-
 - a) Pwyllgor Rhanbarth Un Llais Cymru.
 - b) Grwp Mynediad Dwyfor.
10. **Polisiau** - mae pob polisi ar wefan y Cyngor, ac yn cael ei ail mabwysiadu yn flynyddol yn ystod y cyfarfod blynyddol, onibai fod angen gwneud newidiadau yn ystod y flwyddyn.
Bydd angen creu Rheoliadau Ariannol newydd eleni, a bydd angen trefnu cyfarfod ar gyfer yr aelodau sydd ar y Pwyllgor Rheolau Sefydlog a Pholisiau.

CYFARFOD ARFEROL Y CYNGOR (i gychwyn tua 7:20 y.h.)

Rhaglen waith y Cyngor - nos Fawrth, 5ed o Fai 2026 tua 7:20 y.h. yn Festri Pencaenewydd, a drwy Zoom.

1. Croeso gan y Cadeirydd ac ymddiheuriadau.
2. Cyflwyno a chadarnhau cofnodion cyfarfod 2 Ebrill 2026.
3. Llofnodi cadarnhâd taliadau BACS mis Ebrill 2026.
4. Datgan buddiant personol.
5. Sedd newydd yn Ward Llanystumdwy manylion cyfethol wedi cael ei rhoi ar y wefan a hysbysfwrdd Llanystumdwy hefo dyddiad cau 31.03.2026.
6. Materion gan Cyngor Gwynedd

Rhaglen waith mis Mai 2026.

Rhif y Ffordd	Lleoliad y Gwaith	Disgrifiad o'r Gwaith
Dosbarth III	Lon Sardis ger Pen Sarn	Atgyweirio ymyl y ffordd

7. Ceisiadau cynllunio sydd angen penderfyniad

- a) Gaerwen, Ynys, Cricieth C26/0217/41/YA: - Cais rhybudd o flaen llaw i adeiladu sied amaethyddol ar gyfer cadw porthiant a pheiriannau.
- b) Tafarn y Plu, Llanystumdwy C26/0226/41/LL - newidiadau i'r cais a ganiatawyd o dan cyfeirnod C22/0027/41/LL i gynnwys newid maint a nifer ffenestri, ymestyn rhan o'r estyniad i greu toiled hygyrch ac ymestyn y teras ar pen yr estyniad, gosod paneli solar, ail-leoli'r mynediad i'r fflat a gosod fflw newydd.
- c) Fferm Bont Fechan, Llanystumdwy C26/0252/41/DT- cais i ddymchwel y modurdy presennol a chodi adeilad deulawr fel atodiad preswyl yn gysylltiedig i'r prif eiddo

Materion yn y gymuned.

8. Llanystumdwy

9. Chwilog

- a) Stad dai Cae Brynhyfryd - Pwyllgor Cynllunio Cyngor Gwynedd wedi gwrthod y cais gyda 8 o blaid gwrthod y cais a 4 yn erbyn. Bydd y penderfyniad pellach yn cael ei gyfeirio i 'gyfnod cnoi cil', cyn ei gadarnhau yn derfynol.
- b) Cae Bodlondeb - twmpath cyflymder yn cael ei osod gan Beech Developments yn cychwyn ar y 25/05/2026 am ddau ddiwrnod. Bydd y weithred yn cynnwys tynnu'r glustog sydd wedi ei sefydlu yn barod ac yna gosod twmpath at hyn lled gyfan y ffordd ychydig ar ôl y gyffordd i'r stad (gyferbyn arwydd y datblygiad).

10. Rhoslan/Ynys
11. Pencaenewydd/Sardis
12. Llangybi

13. Materion Ariannol

Adroddiad Ariannol gan y Clerc a'r Swyddog Ariannol Cyfrifol.

Bydd y Clerc yn anfon epost at y cynghorwyr i gyd cyn y cyfarfod, drwy gynnwys dogfen 'excel' o'r sefyllfa ariannol hyd at 30.04.2026. Mae hyn yn cadw golwg manwl ar y gwariant sydd eisioes wedi ei wneud.

14. Datganiad Llywodraethu Blynyddol - bydd y Clerc wedi gwneud y datganiadau cyfrifyddu o flaen y cyfarfod, fel y gellir ei gymeradwyo gan y Cyngor a'i llofnodi. Gellir anfon y manylion at yr archwilwyr mewnol wedyn.

15. Gwaith ar y llwybrau, Mai 2026 ymlaen.

- a. Llwybr swyddogol o Ffynnon Cybi i ben Garn Bentyrch, un toriad.
- b. Llwybr dan bont y rheilffordd i'r traeth yn Afonwen, dau doriad.
- c. Llwybr heibio Ynysgain Bach hyd at bont y rheilffordd, dau doriad.
- ch. Llwybr o'r ffordd fawr i fyny at fythynnod Tŷ Newydd, dau doriad.
- d. Llwybr Clawdd Llanw o Bontfechan dros y rheilffordd am Ty'n Morfa, dau doriad.
- dd. Ceg y llwybr ar hen ffordd Abercin, ochr y pentref i'r ffordd osgoi.
- e. Cadw safle bedd D. Lloyd George yn daclus yn ystod y tymor.
- f. Maenywern, Llanystumdwy - dim angen gwneud hwn tan flwyddyn nesaf6 ger y bont ac ar hyd y wal i fyny tuag at y Bedd.

Hysbyseb wedi cael ei roi ar y wefan, a'r Ffynnon i gael prisiau, hefo dyddiad cau 30.04.2026, er mwyn ei trafod yn y cyfarfod ar y 5ed o Fai 2026.

ff. Cytundeb torri Cae Chwarae Llangybi.

g. Glanhau 9 lloches bws - mae cytundeb eisioes yn bodoli hyd at 31.03.2027.

16. Praesept - wedi derbyn yr hanner cyntaf, sef £10,500.00 ar 29.04.2026.

17. Cyflog Clerc - Ar sail gohebiaeth a dderbyniwyd gan NALC drwy Un Llais Cymru a SLCC ar 24.07.2025, derbyniwyd tabl graddfeydd cyflog ar gyfer clercod. Ar hyn o bryd mae'r tabl yma dal i fod yn gyfredol. Mae cyflog y Clerc yn cychwyn ar rif 22 - 28, o'r raddfa cenedlaethol SCP.

Felly, os yw pawb o'r farn fod perfformiad gwaith y Clerc yn foddhaol, bydd cyflog y Clerc a'r Swyddog Ariannol Cyfrifol o Ebrill 1af, 2026 ymlaen yn symud i fyny ar y raddfa cyflog, o **pwynt 25 i pwynt 26, sef o £18.85 i £19.32 yr awr, x 35 awr y mis = £676.20.**

Mae cyflog y Clerc yn ol y cytundeb cyflogaeth yn datgan:-

1. "Cyflog
2. "Ar yr amod fod eich perfformiad yn foddhaol, byddwch yn symud yn awtomatig drwy'r raddfa gyflog trwy godiadau blynyddol hyd nes ichi gyrraedd uchafbwynt y raddfa. Bydd eich codiad cyflog cyntaf yn daladwy ar 1 Ebrill 2019 ac wedi hynny ar 1af Ebrill bob blwyddyn hyd nes ichi gyrraedd uchafbwynt y raddfa. Gall y Cyngor ddal codiad cyflog yn ôl os bernir fod eich perfformiad yn is na'r disgwyl, yn dilyn adolygiad blynyddol."
3. "Yn dilyn cyfarfod Pwyllgor Amodau Gwaith 22.11.2023 cytunwyd i gynyddu cyflog y **Clerc a Swyddog Ariannol Cyfrifol o'r 01.01.2024 i bwynt 23, sef £16.67 yr awr sef ar raddfa LC2 cenedlaethol SPC rhwng pwynt 22 - 28.** Bydd yn codi bob Ebrill wedyn

hyd nes cyrraedd uchafbwynt y raddfa, cyn belled a bod y perfformiad gwaith yn foddhaol”.

18. **Cronfa Cefnogi Cyngorau gan Gwynedd Ni** - yn dilyn y cyfarfod diwethaf cytunwyd ar y ddau syniad isod:-

- **Offer ‘tylluan’ sain/ a sgrin deledu** - cynnig prynu offer ar gyfer Neuadd Llanystumdwy a Neuadd Chwilog. Byddai hyn yn galluogi cynnig cyswllt technoleg/ sain gwell ar gyfer y gwahanol fudiadau/ cyfarfodydd sydd yn defnyddio’r neuaddau.
- Derbyniwyd ateb gan Alys Rees Jones yn dweud, “fod y syniad yma’n gymwys ond bydd angen sicrhau bod yr asedau (sain a sgrin deledu) yn nwylo’r Neuadd yn barhaol a ddim yn cael eu defnyddio fel offer symudol.
- Y Clerc eisioes wedi cysylltu hefo Pwyllgor y ddwy Neuadd ac yn disgwyl ateb ganddynt.
- **Cae chwarae Chwilog** - cysylltu hefo Llifon Foulkes, Cyngor Gwynedd i ofyn am ganiatâd i ni holi am bris er mwyn cael **gwneud grisiau neu ramp i fynd at y lle cyn chwarae o fewn y cae chwarae ei hun.** Mae llethr serth yn mynd i lawr at yr offer chwarae sydd yno, a byddai hyn o gymorth i fynd at y cae chwarae. Mae rhieni yn y pentref wedi bod yn galw am wellianau ers tro.
- Cadarnhaodd Alys fod y syniad yma hefyd yn gymwys, gan mai Cyngor Gwynedd sydd yn gyfrifol am y cae chwarae, a bod angen atodi cadarnhad eu bod yn hapus i ni ymgymryd a’r gwaith yma gyda’r cais. Gall hyn fod ar ffurf e-bost neu lythyr gefnogol.
- Y Clerc wedi cysylltu hefo Mr Llifon Foulkes Cyngor Gwynedd ac wedi derbyn e-bost yn dweud “Rydym yn gefnogol iawn o’ch cais ac yn hapus i rhoi caniatâd i chi ar gyfer hyn ar yr amod bod unrhyw gynlluniau yn cael ei cymeradwyo ganddom ni fel Gwasanaeth yn y lle cyntaf”.

Bwriad y gronfa yw cefnogi prosiectau cyfalaf sy’n gwella gofodau cymunedol, manau cyhoeddus ac yn cyfrannu at adfywio lleol, ac mae’r dyddiad cau 15.06.2026.

Bydd angen trefnu i gael prisiau rwan, a dechrau gwneud y cais am arian.

Cyfanswm y cyllid eleni yw **£7,000.00.**

19. **Taliadau** BACS angen cael ei gwneud yn dilyn y cyfarfod:

Enw	Rheswm	Pris £	TAW £	Cyfanswm Taliad £	Taliad BACS £
ICO	‘Information Commissioner’s Office - Deddf Diogelu Gwybodaeth £52.00 ond gostyngiad o £5.00 am ei fod yn cael ei dalu drwy ddebyd uniongyrchol bob blwyddyn	<u>48.00</u>		<u>48.00</u>	<u>48.00</u>
Zurich Insurance	Yswiriant am flwyddyn o’r 01.06.2026 ymlaen. Clerc wedi gofyn wrthynt ychwanegu’r hysbysfwrdd beirdd at y polisi	<u>782.89</u>		<u>782.89</u>	<u>782.89</u>

20. Cyflog mis Ebrill 2026 y Clerc i'w rannu rhwng y Clerc a Chyllid a Thollau EM.

Enw/Rheswm	Swm £	Cyfanswm Taliad net £	Taliad BACS:- £
Cyflog sylfaenol y Clerc, Ebrill 2026 35 awr y mis x £19.32 = <u>£676.20</u> a	£676.20 Llai treth- £135.40 = <u>£540.80</u>	<u>540.80</u>	<u>540.80</u>
Cyllid a Thollau EM Treth ar enillion y Clerc Ebrill 2026 £677.00 x 20% = £135.40	<u>£135.40</u>	<u>135.40</u>	<u>135.40</u>
Costau swyddfa Clerc Ebrill 2026	<u>26.00</u>	<u>26.00</u>	<u>26.00</u>

21. **Materion hwyr**

Bydd angen penderfynu os mai ar nos Iau 04.06.2026 fydd y cyfarfod nesaf a threfnu lleoliad.